



**Laé la dljia:** en dedemesaledema, ai **14 de jügn** vegnel perié i jogn da gní dles 19:00 ennant a stöpé jö la dljia; en jöbia, ai **15 de jügn** dles 8:00 ennant é dötes y düc chi co sciafia periades y periés da gní a laé la dljia;

**Porté i confaruns:** an dess ciaré, tan ennant ch'ara vá, da se tigní ales tradiziuns, les uniuns (jogn, ei, zeca da Curt y zeca da Pliscia) mess fistidié che so confarun vegni porté;

**Prozesciun a Curt:** le vendres, ai **23 de jügn** (Cör de Gejú) vegnel fat na prozesciun con cianderes a Curt: an peia ia ales 20:30, a Curt vegnel fat na picia zelebraziun dla Parora de Dio;

**Ciasa dal mone:** le consei é a öna da vene la ciasa dal Mone al comune por fá en local dla musiga y na plaza.

## 1 enformaziuns y termins

**Oraziun da Taizé:** la proscima oraziun de Taizé ven tignida en vendres ai 16 de jügn ales 20:00 tla capela a Oies. Al se trata de en n'ora olá ch'al ven perié, medité y cianté en forma de Taizé. Düc é der bel enviés a tó pert.

**150 agn dljia da Lungiarü:** la cöra da Lungiarü festejeia i 150 agn dla consacraziun de söa dljia. Por l'abelimont dla festa vegnel motü da jí cöstes manifestaziuns: dedemesledema ai 14 de jügn ales 20:00 referat sora la storia dla dljia y dla cöra sabeda ai 17 de jügn ales 20:00 conzet sacral te dljia con i Cors de dljia da Lungiarü y da San Martin, con la Musiga da San Martin y con l'orghe. en domegna ai 18 de jügn ales 9:00 messa solena d'Les Antlès con prozesciun; dedö defilada con la musiga ia dala ücia dles festes con buffé. Düc é bel enviés.

**Grup Atmosfera:** en jöbia ai 15 de jügn s'encunta endö ales 15:30 tla sonta dal Raiun Sozial Val Badia a Picolin le grup de tomp lede Atmosfera por eres y ei atochés da problems psychics. En cösc iade modelunse con rejila adöm con Irina Tavella y Barbara Rungger. Enformaziuns pa Sabine Rainer, ☎ 0474 524519.

**Ocio:** al ven fat laurs tla sonta dai sorvisc sozio-sanitars a Picolin. Porchel resta l'ufize dal sorvisc aministratif (Krankenkasse) y le sorvisc da tó jö sanch stluc dai 19 de jügn ennant por ca. 5 edemes. Düc i atri sorvisc y ufizi é daverc.

**Biblioteca:** la bilbioteca "Angelo Trebo" a Al Plan romagnará slüta dai 19 de jügn fina ai 02 de iuli.

<b>Döt le bun a:</b>	Rosa Burchia Trebo, Craizer	14.06.1942
	Sr. Rosalia-Aloisia Daverda, Mestre	15.06.1927
	Angelo Trebo, Schweiz	16.06.1942
	Regina Trebo Hochgruber, Bornech	17.06.1934

y a düc chi co á santennom y complesc i agn cöst'edema

**Impressum:** Ploania d'La Pli; redaziun Franz Rigo y Edith Willeit  
**Comunicaziuns** cina al dedemesaledema sera a Franz Rigo: ☎ 0474 500978 o ✉ ploania@gmx.net  
**Download plata:** www.unitepastorala.org



# Plata dla Ploania La Pli de Mareo Santa Maria dal Bun Consei

Ploan: Signor Heinrich Perathoner  
E-mail: ploania@gmx.net

Calogna Al Plan: 0474 501006  
Radio de Ploania: 93,00 MHz



VAL BADIA  
www.unitepastorala.org

Ann A

11.06.2017 - GRAN FESTA DLA SS. TRINITÉ

n. 29

## Le mister tal gremo de Dio

📖 Es 34, 4b.5–6.8–9 | 2 Cor 13, 11–13 | Jan 3, 16–18

### Dal Vangelo do San Jan:

<sup>6</sup>Idio ti á orü tan bun al monn, ch'al á dé ca so Fi su, por che vignönn co crei te el, ne vái nia ademal, mo ái la vita eterna. <sup>17</sup>Deache Idio n'á nia mené so Fi tal monn, por che el iudicheies le monn, mo che le monn vegnes salvé tres el. <sup>18</sup>Chel co crei te el, ne ven nia iudiché; chel co ne crei nia é belo iudiché, ciodich'al n'á nia cordü tal ennom dal Fi su de Dio.

### I ponsun do

*Valiade se pö Gejú forest y nia da arjunje te söa gloria eterna. Al se ven enmont ch'al sii dalunc da düc nüsc fistidi y noster meseries. Na odlada sön la crusc de Gejú Crist müda cösta impresciun: Chelbeldio n'é nia dalunc, el s'acompaneia; al ne s'á nia desmoncé de noster meseries, mo patesc con nos – cina ala mort.*

### I periu

*Beldio tla Trinité, tö t'as manifesté a nos. Fá ch'i odunse ete, che pa te sunse al sogü y fá ch'i romagnunse dagnora unís a te, che te vires y regneies t'l'eternité.*



Icona dla Trinité de Roublev

Wilhelm Egger "Sonntagsbibel"

📖 Letöres dla Gran Festa d'Les Antlès - Corpus Domini:  
Deut 8, 2–3.14b–16a | 1 Cor 10, 16–17 | Jan 6, 51–58

Edema liturgica dai 11.06. ai 18.06.2017

<b>DOM 11.</b>	<b>GRAN FESTA DLA SS. TRINITÉ</b> <b>DOMEGNA DLES FAMILIES</b>	<i>Barnabas, Paula, Alice (Adelheid)</i>
<b>08:30</b>	<b>gran messa</b> por dōta la ploania, al sará atló le miscinare signor Pio Dapré ♫ <i>cianta grup de scolari</i> → <i>offerta por les misciuns</i>	
<b>13:30</b>	<b>funziun dal Bato de Anika Huber</b>	
<b>15:00</b>	<b>a Longega, funziun dal Bato de David Ellecosta</b>	
<b>10:00</b>	<i>s.m. a Al Plan</i>	
<b>Lön 12.</b>	<i>Leo III, beata Hildegard Burjan</i>	
<b>07:30</b>	<i>s.m. a Al Plan</i>	
<b>Ded 13.</b>	<i>Antone da Padova, Bernhard d'Aosta</i>	
<b>07:30</b>	<b>s.m.</b> por +ti dla familia Isidor y Frieda Agreiter, Brach <b>s.m.</b> por + Maria Ellecosta ved. Erardi, Longega	
<b>Dem 14.</b>	<i>Meinrad, Fortunat</i>	
<b>► 08:00</b>	<b>a Al Plan s.m. de conclujiun dal ann de scora por la mesana</b>	
<b>Jöb 15.</b>	<i>Vitus, Germana, Lothar, Gebhard</i>	
<b>19:30</b>	<b>s.m.</b> por i nüc Stefanie Obojes y Agostin Craffonara <b>s.m.</b> por vis y +ti dla familia dal Casun <b>s.m.</b> por +ti d'André	
<b>Ven 16.</b>	<i>Benno, Iustina</i>	
<b>► 10:00</b>	<b>s.m. de conclujiun dal ann de scora</b>	
<b>Sab 17.</b>	<i>Sabeda de Santa Maria   Rainer, Adolf</i>	
<b>► 03:30</b>	<b>da dljia d'Al Plan demez: iade por sanc dles ploanies d'La Pli y d'Al Plan sö La Crusc</b> , ales 06:15 ca. da Ciornadú demez	
<b>DOM 18.</b>	<b>GRAN FESTA D'LES ANTLÈS</b> <b>CORPUS DOMINI</b>	<i>Felize, Simplicius</i>
<b>08:30</b>	<b>gran messa</b> ciantada solena de ringraziamont por l'Eucaristia, <b>prozesciun eucaristica</b> con 2 vangeli fora Brach	
<b>► 14:30</b>	<b>espi</b> da festa y benedisciun eucaristica	
<b>09:30</b>	<i>s.m. a Al Plan</i>	
<i>ampola:</i>	por les families de Jep, Walter y Robert Willeit, Soratrú	
<i>ministronc:</i>	► da doman y domegna: Alexander Comploi y Rudi Ellecosta ► da sera y domegna: Pire Ellecosta y Armin Taibon	
<i>i recordun:</i>	Sr. Christina (Maria) Erlacher OT, Lana Sig. Merch Graffonara, ploan	+ 14.06.2010 + 14.06.2013



I creii tla familia, Signur

I creii tla familia, Signur:  
chera co é nasciüda fora de to dessegn  
y sta frema sön les fondamontes dal amur;  
era é le post de töa presenza dananter nos  
y te l'as orüda desco cōna dla vita.

I creii tla familia, Signur:  
chera che t'as arjigné por me  
desch'an s'la enmaginea tai agn da jogn,  
desco n comit a chel che te cherdes  
desco n tru ch'an mêt man deboriada dan to altè  
desco misciun por la Dlijia y le monn.


I creii tla familia, Signur:  
ince canch'al passa por nosta ciasa  
l'ombria y l'arbandonn dla crusc,  
canche l'amur perd l'atraziun  
canche döt diventa rio y posoch.

I creii tla familia, Signur:  
desco segn lominus de speranza  
danter les crises de nüscc tomps,  
desco fontana d'amur y de vita,  
desco cuntrapeis ales agresciuns  
de egoism, desdrüta y mort.

I creii tla familia, Signur:  
desco mio tru adancuntra  
ala realisaziun y perfeziun umana;  
desco mia cherdada ala santité;  
desco mia misciun por trasformé  
le monn te to regn co met man atló.



Vita de ploania y de paisc



**“I te cherdi con to ennom” dij le Signur.**

La ploania d'La Pli tol sö con ligreza te söa comunité  
**Anika Huber**, de Eduard y Manuela (Peraforada) y  
**David Ellecosta**, de Marco y Bettina, (Bastl).

La ploania i fej les miús aodanzas ai geniturs: che Idio, la Oma  
dal Ci y i Sanc Patrons acompagneii Anika y David con söa  
benedisciun y proteziun.